



Communicaziun a las medias

40. Top Pop Rumantsch – In soulman fitg giuven

Cuira, 16-09-2015 – **Radiotelevisiun Svizra Rumantscha (RTR) preschenta il 40avel Top Pop Rumantsch: “Mia olma” da Mattiu Defuns. La premiera dal Top Pop Rumantsch ha lieu ils 17 da settember 2015 tranter las 07:00 – 08:00 sin las undas da Radio Rumantsch. Tranter las 11:00 – 12:00 è Mattiu Defuns live en il studio.**

Sia vusch ha ina bella patina da blues e soul, ina vaira natira da rockadur schess ins, schebain ch’ il chantadur ha mo 17 onns, in record per in Top Pop Rumantsch. E tuttina, Mattiu Defuns da Trun-Darvella ha gia experientschas cun registraziuns professunalas. La primavaira passada ha el briglià en il duet «Jeu engolel tiu cor» cun il rappunz sursilvan Giganto. E Mattiu è gia dà en egl sin inqual festa cun in agen bel repertori ispirà da la musica da Bob Marley. Il plaschair da la musica ha el survegnì da chasa - ses bab Gioni è stà in dals Furbazs originals - ma la vaira passiuon è vegnida cun scriver atgnas chanzuns durant frequentar la scola da talents a Glion. Dacurt ha Mattiu Defuns finì il curs preliminar da la scola d’art Liechtenstein e lavura ussa sco miradur. Ma sia finamira è la scola da musica. Qua sa cunfa il titel da ses Top Pop bain, ina melodia simpla ma impressiuonanta, ch’exprima la singularitad da «Mia olma», da sia «soul» pia. D’udir exclusivamain sin Radio Rumantsch.

Musica e text: Mattiu Defuns
Battaria: Roger Hintermann
Bass: Lucas Schwarz
Guitarra: Jean-Pierre von Dach
Producziun: Manfred Zazzi e Roland Vögtli

Mia olma

Ed jeu sun jeu,
E ti, ti eis ti
Mia olma s’auda a mi e tia a ti.

Fussel buca jeu sche mia olma fuss buca la mia.
Fussel buca cheu sche mia olma fuss buca aschia.

Fussen mai cheu.
Fussen mai cheu.
Fussen mai cheu, sin quest mund aschia.

Ed jeu sun jeu, e ti, ti eis ti
e quei ei mia fatscha la notg sco il di.



Ed jeu sun cheu per quest mument,
ed en sesez han ins aunc bia en senn.

Fussen mai cheu.
Fussen mai cheu.
Fussen mai cheu, sin quest mund aschia.

Top Pop Rumantsch è ina seria da producziuns da musica nova ed actuala, lantschada da Radiotelevisiun Svizra Rumantscha (RTR) l'onn 2005. Tut ils titels da la seria èn d'udir sin la pagina d'internet da RTR sut: www.rtr.ch/dossiers/top-pop-rumantsch

Las emprimas 30 chanzuns èn er disponiblas sin ils discs cumpacts Top Pop Rumantsch vol. 1 & 2 ch'èn da retrair tar: RTR, Via Masans 2, 7002 Cuira.

Dapli infurmaziuns:

*Radiotelevisiun Svizra Rumantscha
Flavio Tuor, producent musica RTR
Tel. 081 255 75 75 / e-Mail: flavio.tuor@rtr.ch*